

## ZVANIČNA POJAŠNJENJA FIBA – 25.09.2007.

### Čl. 36 Nesportska greška

U Čl. 36 stoji:" da bi procijenili da li je greška nesportska, sudije treba da primjene slijedeći princip:

- ako igrač ne čini pokušaj da igra na loptu i dođe do kontakta, to je nesportska greška".

U posljednjim minutama utakmica često vidimo slijedeće:

- a. Lopta je izvan graničnih linija za ubacivanje tima A
- b. Lopta je još uvijek u rukama sudije ili je stavljena na raspolaganje igraču A za ubacivanje
- c. U tom trenutku igrač tima B na terenu uzrokuje kontakt sa igračem tima A koji je također na terenu i dosuđena je greška igraču tima B.

Za gore opisanu situaciju, igrač tima B očigledno uzrokuje kontakt kako bi se dosudila greška i kako sat za igru ne bi bio pokrenut.

Kako igrač očigledno ne pokušava igrati na loptu (lopta je još uvijek izvan graničnih linija i nije napustila ruke ubacivača) i tim kontaktom je stečena nesportska prednost jer sat za igru nije pokrenut, pravilo Čl. 36 se mora primjeniti (bez upozorenja) i **nesportska greška se mora dosuditi.**

### Čl. 38 Tehnička greška

U Čl.38.3.1 stoji da : " je tehnička greška ako igrač pada na pod da bi simulirao grešku".

Učestalo smo svjedoci (a postaje i veliki problem i u NBA) padanju igrača na pod kako bi simulirali grešku i stekli:

- a. Nesportsku prednost prilikom dosuđivanja nepostojeće greške protivniku
- b. Stvorili nesportsku atmosferu među gledaocima protiv sudija

Takvo ponašanje je očito nesportsko. Ono kvari nesmetan tok igre i zbog toga se pravilo iz Čl.38.3.1 mora primjeniti (nakon prvog pokušaja simuliranja i jednog upozorenja svim igračima istog tima koje se daje treneru tog tima), i **tehnička greška se mora dosuditi** za svaki slijedeći takav pokušaj.